

Eadem die in tertiis et paulo post.

Praefatus dominus visitator (etc.) visitavit ecclesiam parochialem sub invocatione sancti Simeonis de Villa, cuius de praesenti est rector admodum reverendus Antonius Baptista de Lucianis, quam assequutus fuit in curia romana ex gratia quinque circiter abhinc annis, percipiens in annuo reddito libras biscentum et viginti monetae genuensis, consistentes in primitiis, oblationibus et in aliis fructibus bonorum stabiliium dictae ecclesiae.

Visitavit sanctissimum sacramentum, quod invenit asservari in pixide ex auricalco cum cuppa argentea in totum deaurata, conopaeo rubei coloris constructa, et est ad formam, sed quia in eius summitate crux est francta [*sic*] mandavit quamprimum readaptari, et inservit pro adoratione et communionibus generalibus.

Visitavit aliam pixidem pariter ex auricalco in totum deauratam, quae inservit pro asportando sanctissimo viatico ad infirmos, et aliquibus additis inservit pro ostensorio cum suo vitro pro expositione et asportatione sanctissimi in processionibus, et est ad formam. Pluviale et turibulum non adsunt, ideo mandavit de eis infra biennium provideri. Vidit lanternas magnas pro sanctissimo deferendo, et sunt ad formam, de cereis pro asportatione sanctissimi dictum fuit provideri a confraternitate laicali. Lampas ante ipsum sanctissimum sacramentum continuo ardet ex impensis societatis mulierum ibi erectae.

Dictum sanctissimum sacramentum asservatur ad altare maius in tabernaculo ligneo deaurato ad formam, et est conopaeo rubei coloris instructum et sera secreta et clave munitum et habet baldachinum supra se pendens ad formam.

Visitavit fontem baptismalem, cuius vas est marmoreum, ciborium vero ligneum, conopaeo [322r] cerulaei coloris instructum cum cruce in eius summitate et munitum sera secreta et clave quae detinetur paenes parochum. In dicto fonte asservantur vasa argentea oleorum chrismatis et cathecum[e]norum cum cochleari pro aqua suscipienda, et sunt ad formam. Mandavit supra dictum fontem appendi umbellam seu baldachinum et etiam imaginem sancti Ioannis Baptistae Christum baptizantis; et quia invenit in eodem asservari etiam oleum infirmorum in vase argenteo, ideo mandavit construi debere fenestrellam in pariete prope altare maius in cornu evangelii vel epistolae et eam vestiri intus panno violaceo atque muniri sera secreta et clave, quae detineri debeat paenes parochum, et in ea asservari dictum oleum cum inscriptione *Oleum infirmorum*.

Visitavit sedem confessionalem et invenit ad formam, mandavit in ea apponi summarium bullae Coenae. Visitavit sacrarium, quod invenit in choro, et mandavit ostiolo muniri cum sera secreta et clave quae detineatur paenes parochum.

Visitavit altare maius, quod manutinetur a communitate, nullum habens redditum nec onus et est eleganter provisum de necessariis ad celebrationem missae, et altare providetur de candelis a consortio mulierum ibi erecto auctoritate ordinarii et gubernatur a dicto rectore sub quibusdam ab eodem ordinario regulis approbatis, et habent dictae mulieres etiam suas officiales, cuius caput dicitur priora, quae singulis annis renovantur cum computorum redditione coram dicto rectore et novis officialibus, habent massam pecuniariam quae fit ex contributionibus quibusdam annuis dictarum sororum, de qua solent providere de ceris tam defunctas sorores quam altare.

Visitavit altare sub invocatione beatae Virginis de Rosario pariter manutentum a communitate, et est provisum de icone et reliquis requisitis ad celebrationem missae quae in eo solet celebrari absque ullo reddito et onere. In dicto altari reperitur applicata [322v] indulgentia plenaria ad septennium, et coram eo solet recitari rosarium beatae Virginis ter per haebdomadam, et erat ibi erecta societas sancti Rosarii, sed dictum fuit esse aliquantulum relaxatam, ideo mandavit procurari ut de novo provideatur.

Visitavit altare sub titulo Purgatorii pariter manutentum ab eadem communitate, habet iconem ad formam et est etiam provisum de requisitis ad celebrationem, nullo gaudet reddito ne ullo gravatur onere.

Corpus ecclesiae est dealbatum et elegantissimae formae et eius fores etiam sunt ad formam, munitae clave quae detinetur penes parochum.

In dicta ecclesia non adsunt monumenta sepulchralia, et dictum fuit cadavera defunctorum apportari sepelienda ad ecclesiam sancti Francisci de Tuvani, et super hoc referendum duxit ad illustrissimum et reverendissimum dominum dominum visitatorem generalem.

Procuratores dictae ecclesiae renovantur singulis annis, reddentes computa coram parochi et procuratoribus novis.

Doctrina christiana docetur per dictum rectorem singulis diebus dominicis inter missarum solemniam.

Nuptiae non benedicuntur, ideo mandavit in posterum benedici ad formam missalis romani, et si sponsi negligentes fuerint in benedictione petenda contra eos poenam (etc.).

Visitavit suppellectilia sacra, quae asservantur in choro in quodam scamno, quod mandavit muniri seris secretis et clavibus quae detineantur poenes parochum, et invenit tolerabiliter sufficientia.

Vidit pulpitum de materia speciosae formae, in quo solet saepe sepius concio haberi ad populum, subtus dictum pulpitum adest armarium varie coloratum, in quo asservantur imagines sculptae sanctorum Simeonis et <sancti> Antonii de Padua.

Vidit campanile cum duabus campanis ad formam.

[323r] Visitavit libros parochiales et invenit servatam formam ritualis romani in conscribendis nominibus baptizatorum et defunctorum, non autem in matrimoniis; ideo mandavit etiam in ipsis servari omnino formam praedictam et confici librum de statu animarum, quas dictum fuit esse in hac parochia in totum trescentum et sexaginta circiter, et ex communione sunt biscentum et sexaginta, et omnes paruerunt praecepto Ecclesiae, exceptis nonnullis impeditis; et ut certo certius sciatur in posterum an omnes communicaverint mandavit distribui singulis schedulas et eas recollegi priusquam tempus paschale terminetur, ut sic admoniti possint parere.

Visitavit aedes canonicales et invenit quasi dirutas, ideo mandavit saltem infra annum debere provideri de domo congrua dictum dominum rectorem, vel reperando et readaptando dictas aedes canonicales ita ut habiles sint, vel alias aedificando novas, dummodo tamen sint sufficientes.

In hac parochia adsunt tres presbiteri, scilicet presbiter Iacobus de Simonettis, p(resbiter) Simeon Guacciatrus et presbiter Gregorius Salad[inu]s. Clerici pariter tres, scilicet Angelus Petrus Fundacci, Mattheus Nigrionius, Ioannes Baptista de Ville, et omnes prout dominus rector testatus fuit sunt bonae vitae ac famae et incedunt habitu et tonsura et inserviunt ad ecclesiam in functionibus quibusdam parochialibus.

Adest etiam quidam heremita, qui incedit habitu laneo et tonsura sub regula sancti Antonii de Padua, quem vestivit auctoritate ordinarii, ut ex litteris patentibus, et ut plures testantur est bonae vitae et famae et ecclesiae continuo inservit.

[*en marge*] Oratorium sancti Antonii de Padua

Visitavit oratorium sub invocatione divi Antonii de Padua, quod manuteneretur a confraternitate laicali ibi erecta auctoritate ordinarii sub quibusdam capitulis ab eodem ordinario approbatis. Habent suos officiales, qui ter per annum renovantur. Computa tunc temporis redduntur coram domino rectore et novis officialibus. Confratres induunt cappas albas et

congregantur in dicto oratorio singulis diebus festivis, et solent recitare officium beatae Mariae virginis et alias preces [323v] effundunt. Habent quasdam contributiones annuas quas recolligunt ex confratribus, et ex eis solent providere confratres defunctos quatuordecim librarum cerae pro sepulchralibus ex[e]quiis in eorum depositione et etiam solent suppeditare elemosinas pro celebrandis missis.

Visitavit altare pariter manutentum a dicta confraternitate, et est munificentius erectum cum ornamento colmunarum [*sic*] sculptarum cum icone ad formam, est etiam cum requisitis ad celebrationem missae quae in eo solet aliquando celebrari de licentia parochi absque ullo reddito et onere et absque ulla indulgentia. Dictum oratorium est scamnis ligneis circum circa septum et est dealbatum pulchrioris formae, et etiam eius fores sunt ad formam, munitae clave quae detinetur paenes massarium, et est dictum oratorium propinquum et quasi unitum cum ecclesia parochiali.

[*en marge*] Oratorium sancti Rocchi

Eadem die paulo post.

Visitavit oratorium sub invocatione sancti Rocchi situm intra limites praedictae parochiae sancti Simeonis, quod manutentur a communitate et fuit erectum auctoritate ordinarii, et in eo visitavit altare expoliatum et nudum suppellectilibus sacris, sed provisum de icone ad formam, et solet in eo semel in anno celebrari in die festivo eiusdem, et dum ibi celebratur solent asportari suppellectilia sacra ex ecclesia parochiali absque ullo onere et reddito.

Corpus oratorii est dealbatum et satis ad formam, fores etiam eiusdem sunt ad formam, munitae clave quae detinetur paenes dominum rectorem. Vidit etiam parvum campanile ad formam.